


2140.71  
132  
2/2



左陽州誌



# 左陽州誌序

誌以昭往亦以示來且以垂久遠非苟然易也粵稽周官有內史外史之誌顧上而邦國下而四方所掌之職不同而其誌事則同然而內誌職要外誌職詳誌之名雖同而所誌之體不同故夫留心紀載者自省郡誌而下則體之所存

左州誌

序

一

其不得而略焉審矣今

聖天子命儒臣編纂方輿路程攷略

特論天下撫臣嚴飭所屬郡邑開陳水陸要路并村庄鎮店堡舖寺廟橋梁渡口務使登載無遺以成一代良書是誌貴詳者靡不自州邑始雖然誌之宜詳於州邑尚矣尤賴有人焉余惟左州介在

遐荒僻處山叢古為獠穴地其間山川  
土田城署廟社人物風俗之各殊官斯  
土者往往求其略且不可得安望其加  
詳乎嗚呼地無遠近事無難易惟賢才  
足以濟苟其賢也則略者必詳其不賢  
也即詳者亦略事故因人為詳略者也  
藉令以瘴土為無關以邊任為可廢置

左州誌

序

二

民事於寂寞委文獻于灰燼輒上之人  
採其風而問其俗斷未有不舌橋而莫  
不目瞪口呆而莫能裁者矣夫人于身所未  
經之處尚爾留心記憶倘取捷未博必  
且引為己恥曾是司民社者舉當前一  
方事蹟為他年徵信之書反棄置而不  
詳可乎哉李牧知此矣閒嘗于簿書之

餘體周官外史之義毅然檢左誌殘篇  
編次為上下卷雖其于分宜爾也然余  
按其誌中所輯條分縷析約而能該綜  
今叅古美而不遺事雖無多而序次井  
秩固無俟足經其地則左陽一州瞭然  
在目即以之補省郡乘之未逮可已余  
喜斯誌之成有關治體是使椎髻之鄉

左州誌

序

三

復見冠裳草莽之區居然文物誠有昭  
往示來之用于不朽者是役也豈惟左  
民之幸抑山川之幸 峕

康熙四十八年十二月廣西分守蒼梧

兼理通省驛鹽事務布政司叅議加

三級張惟遠謹序

## 左州誌序

誌者記也以記不忘也記不忘則所誌者有也無誌則無有也故夫天有日月之行次有星辰之躔度自七政齊而行之次以明躔度以晰則天之為天七政有之也抑夫地有山川之流峙有草木之產植自輿圖纂而流峙以著產植以分

左州誌

序

四

則地之為地輿圖有之也不惟此也竊宇宙間自開闢以來天時有消長地利有變遷人事有興廢凡帝王之所建設賢聖之所創興以及山陬水澨一丘半壑之間曾經名人豪士所觴詠流連而經營會集者無不筆之於書使千百世下億萬里外目所未經足所未履者能

意而指之曰某地某帝王之所建設也  
某區某聖賢之所創興也某踪某跡某  
名人豪士之所觴詠經營者也雖消長  
變遷而興廢不同猶得一會于心舉  
于口非有以記之曷能不忘若是耶左  
陽一州以土改流僻居邊鄙自余來守  
麗江誌乘無考誠不識州治何若意懸

左州誌

序

五

者久之戊子春鐵嶺李君穆菴以循良  
稱職自蒙州特調左陽政務井井逾年  
乃以州誌用公牒通呈余繙閱再四深  
為擊節焉夫今之握篆而牧者睹凋殘  
荒寂之狀輒傳舍視之矣况調例三年  
一瞬不啻信宿之客即有廢墜者謀修  
舉而束手誰復留心創立以圖經久弗

替乎若是者人以地泯地以人淹忽于地者即自忽也就使政事燦然民心孚若當其時榮于地過則已矣豈不惜哉豈不惜哉李君能讀書懋文詞政舉人和百廢並作搜遺發秘葺舊圖新而鬢宮祠廟官舍城垣靡不煥然列次矣秀岩幽壑選石薙葩靡不額勝標奇矣

左州誌

序

六

夫豈忽於地者自忽也耶誌成付之剞劂使千百世下億萬里外談左陽者即目有未經足有未履然讀其書知其事見其才識其人皆得指之曰某某李君所建設也某某李君所創興也某某李君所觴咏而經營也後之繼李君而至者寧必多讓則左陽之不朽皆李君有

以啓之然則有誌然後有左陽則左陽  
之為左陽誌有之也有李君然後有誌  
則左陽之為左陽李君得有之也余故  
序之以為李君左州竝傳焉

康熙歲次庚寅春日

研齋蔣申錫

撰

左州誌

序

七



左州誌自序

戊子之春余自蒙州調任左陽季夏抵  
任入境之始見其村落荒涼人民鮮少  
城市蕭條墟場寂寞 衙署廟宇幾同  
蔓草荒烟會寒暑之替風雨之秋神人  
淒其而莫之能蔽嗟乎粵西向係瘴癘  
之區而左地凋敝尤甚風度民物之休

左州誌

序

八

徵山川社稷之奠麗漫無可稽殆遠隸  
邊徼文獻無徵誌乘缺如向僅潦草苟  
閒手錄數編以備 上官取給而已余  
用是而懼而思十室之邑必有忠信矧  
左陽巖疆一郡風俗人物禮樂衣冠詎  
可無可紀載者乎今

聖天子在上海宇清寧車書一統自三代以

來幅幘之廣生齒之繁未有盛於今日  
其載在版圖者率土皆然况兩粵之

督撫

藩 臬

監司

太守皆一時之

特簡

熙世之 明良留心民瘼問俗采風殆無  
虛日而有司為親民之官其地方之山  
川形勝風會人文豈可不一為刮剔期

左州誌

序

九

盡一得之愚以備采擇烏敢因循惰弛  
使其漸及漸滅上而有負

聖天子與 各上憲惠養元元之心下而有  
負父母斯民之義是以日夕惶悚而不  
敢燕息枕席也乃於農忙政暇會集州  
之紳士搜求於蛀緒蠹餘僅得舊誌稿  
一本字跡半為磨滅半為差訛披閱之

下不勝咨嗟歎息展卷擱筆者數四累  
日不能措一辭復訪之於父老考之於  
斷碣徵之於殘編而後從容諮詢紳士  
中之留心掌故者乃時經三夏手輯成  
帙僅得上下二卷但余因甫經建置學  
宮強弩之末不能發刊又多州之紳士  
好義捐資共襄盛事余雖學愧良史才

左州誌

序

十

慚馬班而補闕拾遺

盛世亦所不棄故不以俗鄙而多遜也是  
為序

康熙歲在己丑孟秋之吉左州牧鐵嶺

李銓謹撰

申文

為誌纂初成呈請

鑒定僉名賜序以光典籍事竊惟圖載係乎民風

式負版者賦役關乎國用蕭相首重

俗之無徵當有司之是問銓一介庸愚謬蒙

各憲誤知戊子之春自江調任左陽受

捧檄於是年之六月涖任夙夜兢兢恒以不勝

為懼於是殫精竭慮仰體

休仁首先建學宮葺城垣治涓洫闢土地勸徵

左州誌

卷上

申文

一

保甲與民休息以冀仰副

仁憲惠愛斯民之至意於萬一惟是左郡僻處

誌乘缺畧凡名物風度山川形勝漫無可稽

鞏固景運遐敷四海內外無不陳詩說禮

備旁採博求况誌之為書田土川原

人民之烝盛風教之休隆載在斯冊

臺欽膺

方率皆簡閱遺編

播

一書斷

復是誰之責歟守土者雖百喙不能辭其責也

銓 悚懼不敢避其卑陋爰於農忙政暇大

搜羅廣為購求僅得殘帙數事其間魚魯之舛  
亥豕之訛不可勝紀乃篝燈繼晷觸暑濡毫甲乙  
丹黃編年順序并將官師向所為文及討暨州之  
文人與遊客韻士諸著作凡有關於風景者咸附  
錄之載見藝文誌中然恐言之不文行之不遠且  
事屬創置必得 享大名顯當世者為之立說然  
後知此編之不出於私而可乘諸久遠也今謹備

左州誌

卷上 申文

二

錄

仰

憲臺俯加鑒定慨賜

嘉言以冠篇首則山川人民典籍文物仰賴

休明於永世矣



廣西太平府左州為誌纂初成等事康熙四十八年十二月初九日奉

署布政司事廣西等處提刑按察司按察

一級王 憲牌康熙四十八年十一月二十三日奉

巡撫廣西都察院加四級紀錄八次梁 批本署  
司呈詳查看得左州纂脩誌書懇請嘉言并列各  
銜於首備蒙 憲檄行司查例妥議詳報等因遵  
查康熙二十二年纂修廣西通省誌書內始列有

左州誌

卷上

批詳

一

督撫 二憲及司道等官 序銜至查從前各府州縣  
繳司存案誌書內府誌止列府銜州縣誌止列州  
縣之銜其

督撫 二院及司道各銜并未開列首序亦未開載今  
左州纂修誌書內應照從前各府州縣誌內止列  
該州之銜序無容載列

兩院憲及司道各官之銜序也緣奉檄行查議事  
理相應詳覆伏候

本都院奪示遵行緣由奉批如詳行該州遵照仍

候

督部院批示繳誌存奉此擬合就行為此牌仰該州官吏照依詳奉

撫都院批示事理即便遵照母違康熙四十九年正月二十九日又奉

廣西等處承宣布政使司布政使紀錄二十二次黃 憲牌康熙四十八年十二月二十二日奉

總督兩廣部院帶軍功五次趙 批前署司呈詳同前事奉批如詳轉行該州遵照仍候

左州誌

卷上

批詳

二

撫都院批示繳奉此為照此案先奉

撫都院批如詳檄行該州遵照仍候

督部院批示繳誌存奉此就經備行遵照存案今奉

督部院憲批前因擬合再行為此牌仰該州官吏照依詳

兩院憲批示事理即便遵照母違

左州誌目錄

上卷

輿圖

疆域

建置

星野

山川  
八景附  
氣候附

公署

祠祀

左州誌

目錄

田賦

戶口

學田

村坊

官師

舉貢

下卷

藝文